

卷之七

疸 水腫

臌脹

卷之六

積聚脾胃

泄瀉傷食

林氏醫尺錄

四

林氏活人錄彙編卷之七

三原張在浚念亭氏重輯

錢塘張

濤學海氏

榕荔圃氏

校正

黃疸門

或問疸乃微疾犯者頗多竟有服草藥而愈者甚有用藥
日久反成中滿而死者何也

答曰因其病淺忽而不治或治之不善遂成中滿故得病
之因表裏虛實不可不知也若病由飲食不調腸胃濕

熱不清者爲輕寒濕之邪客于肌表不得疎洩者亦輕
猶因內傷元氣勞煩不足房勞酒積憂思失血而得者
其病屬臟而不止于腑苟一誤治無不速死若治得其
法草藥可以活人不得其詳古方亦能爲害好生者可
不慎哉

或問疸症固有輕重表裏之分然而致黃之故可得聞乎
答曰黃乃土色係脾土濕熱之氣鬱蒸而成法如會醬變
爲黃色其病在腑其黃在肌表可以分利小水透發汗

液使內外濕熱之氣表裏疎通卽草藥亦能獲效苟不
識此誤用寒涼內傷正氣致臟腑之精津血液無不涸
而爲黃則營衛血氣無一不病斯時也表裏不及分清
補瀉先後罔措遂至脾元大壞氣血兩虧未有不戕中
滿而死者及中滿將成復從臆治速死之冤莫甚乎此
大可嘆也

或問治疸之法亦有別乎

荅曰濕熱爲標內傷爲本標重則專治其標而不失其本

本虛則固其本而兼治其標病久而本更虛者惟本
是賴矣凡症如此不獨疸也

外感表邪黃疸脉症 寒濕之邪客于肌表抑遏衛家生
陽之氣使不得透達鬱蒸而成黃者其黃從外始因內
熱未甚故小便猶白止于頭重體痠往來寒熱爲病正
淺急用後方踈解使汗液透徹則濕熱之氣外洩而血
脉自和不致內滲其脉微浮而數禁用諸葷海味糟麪
酸甜生冷等物

黃疸疎表主方

茵陳

錢三

乾葛

錢二

荊芥

淡豆豉

各一錢五分

防風

羌活

秦艽

各一錢

生薑

三片

葱頭

一個

水煎不拘時熱服

濕熱閉遏於皮毛腠理之間謂之金鬱金鬱則泄之故用荊防羌葛味辛氣薄之劑以疎泄之會蒸爲黃邪在肌表故用茵陳豉葛氣平味苦之藥以分清之諸藥復兼辛散亦具風能燥濕之義胸中否滿加枳殼一錢

有痰惡心加半夏一錢五分 頭重鼻塞大小便不

通用澄清散分利之

澄清散 外感內傷有餘之濕熱為病上則頭重鼻塞時

流濁涕下則二便短澀黃赤不利以此分清上下前後

初起有餘之症

瓜蒂

母丁香

各二錢

黍米

赤小豆

各三分

醋炒大黃

一兩

為極細末每夜以一分吹兩鼻孔內後

睡當時以涕淚橫泗次日以二便順利則濕熱自消

不效再吹

飲食內傷黃疸脉証 多飲茶酒則傷濕好食糟麵則氣
滯有形之物蘊積腸胃不能分消濕熱之氣滲入肌表
不能踈洩會而爲黃黃從內發故小便先赤由內達外
則兩目通身無不黃矣甚至胸膈脹滿惡心煩渴二便
短澁黃赤不利此爲實症脉當沉滑或弦滑有力三日
前先用前方散表俟汗液通透之後以後方蕩滌有形
之積滯以清其裏

黃疸清裏主方

茵陳

錢五

山查

錢三

神曲

陳皮

各一錢五分

紅曲

枳實

各一錢

木通

五分

水煎十分

生大黃三錢另用熱酒浸透蓋緊俟煎藥將好先絞去大黃取濃汁沖入熱藥儘服以利爲度不利如前再服

經云邪在下者引而竭之此方便濕熱之氣由蕩滌而清也茵陳具陳腐之性用以從治去濕熱之氣爲君二

曲消化內蒸濕熱之積爲佐大黃氣味苦寒洩腸胃之
濕熱爲臣山查枳實陳皮木通辛苦之味利腸胃之積
滯爲使 如有瘀血脈必弦濇外則寒熱交作內則小
便獨利而大便秘結者加桃仁二錢當歸紅花各一錢
去神曲陳皮抵當丸亦可

抵當丸 瘀血積滯日久心腹脹滿疼痛小便利而大便
不通或月經阻滯滲入衝任積成血瘕以此推蕩故蓄
血發黃亦能兼治

水蛭

炙乾 七個

螻蟲

炙乾 八個

桃仁

錢七

大黃

兩一

爲末微醋麵糊爲丸每服一二錢空心百沸湯吞服

黃疸表裏和解主方

茵陳

錢五

澤瀉

錢二

乾葛

一錢五分

神曲

一錢五分

陳皮

猪苓

黃連

紅曲

各一分

生薑

片二

水煎午前午後服

茵陳乾葛清其表使餘邪由汗而出猪苓澤瀉清其裏

使餘邪由溺而下黃連紅曲清濕熱之氣神曲陳皮去

濕熱之積生薑和中暖胃此方乃七日後表裏雖清黃色未盡胸膈不快二便不利脉滑而虛數不清餘邪爲病和解之良劑也 胸膈作脹加陳皮五分枳壳一錢大便秘結加山查二錢枳壳一錢 褪金啟脾丸可以常服

褪金啟脾丸

見濕門裏濕條

內傷脾胃元氣虛寒黃疸脉証 大凡黃疸不論外感內傷有餘者多裏虛者少倘使纏綿日久元氣不虛而虛

脾胃失於營運症必飲食減少體瘦肢弱嬾行嗜卧肌
黃色間寒熱交作上則脹滿下則泄瀉六脈沉微瀯弱
或瀯數不清於法調補無疑前者煎丸槩行禁用如肚
腹膨脹氣逆喘急脈來空弦搏指係五臟之真氣已絕
者不治

茵陳

錢五

茯苓

錢三

陳皮

澤瀉

各一錢五分

炮薑

防風

錢各一

肉桂

錢五

薑皮

錢一

水煎空心午前服

防風茵陳升陽燥濕茯苓澤瀉淡以滲濕陳皮姜皮辛
以散之炮薑肉桂溫以行之使寒凝濕滯之氣有所分
消而不至於脹滿也 如脾虛作瀉飲食漸減雖食而
不運者加白朮一錢漸至三錢茯苓漸減至一錢五分
如元氣虛極加人參一錢五分 真陽不足更加附
子五分此治內傷裏虛之症所謂陰黃者是也非參朮
桂附溫補之劑難以挽回若泥治黃疸以致氣喘腹脹
脉弦短濇者死理中丸太陽丹可服

參附理中丸

見中寒門寒中太陰條

太陽丹

見中寒門寒中太陰條

通治陽虛之人爲無形之陰寒濕氣所遏爲黃謂之陰黃俱以山茵陳煎湯吞服

婦女虛癆黃疸脉証 肝脾腎之元氣先虧致衝任之血脉不調月事愆期淋帶不淨復犯房勞酒食瘀濁濕熱之積并發爲疸此爲不足中有餘之症也其色黃黑其顏枯萎甚至晡時寒熱不常膀胱急而小便自利六脉

虛數或微弦而濇乃陰虛火盛氣鬱之候宜用清補之

劑主治

婦女虛癆黃疸主方

茵陳

錢二

知母

茯苓

各一錢五分

車前子

乾葛

錢各一

牛膝

丹皮

各五分

濕熱不清以茵陳乾葛散之茯苓車前利之知母牛膝

滋陰而不滯丹皮清火而不寒允爲清補之平劑七日

後元氣虛者加入參一錢增至一錢五分腹痛胃疼大

便不快小便短濁砂淋帶下者服勝金餘糧丸 上則

喘逆下則浮腫脾腎虛寒泄瀉小便不利者服金匱腎

氣丸

勝金餘糧丸

男婦心胃疼面黃肌瘦白淫淋帶

濕汗浮腫二便

不調等症

餘糧石

煨淨六兩

綠礬

煨紅四兩

當歸身

酒焙

廣陳皮

浮麥

炒各三兩

川椒

出汗

六安茶

焙

砂仁

炒各二兩

黑棗肉

去皮三兩

爲細末卽用棗肉搗爛加熟蜜和丸如